

慧日佛學班第 7 期（《大智度論》）

《大智度論》卷 45

〈釋摩訶薩品第十三〉¹

（大正 25，382b8-384b9）

釋厚觀（2009.10.31）

【經】

壹、就三解脫門說般若（見卷 42~卷 44）

貳、就「菩薩、摩訶薩」說般若（見卷 44）

（壹）就「菩薩」說般若（見卷 44）

（貳）明「摩訶薩」義

一、佛以「畢定眾中之上首」為摩訶薩

（一）菩薩為畢定眾之上首

爾時，須菩提白佛言：「世尊！何以故名為摩訶薩？」

佛告須菩提：「是菩薩於畢²定眾中為上首，是故名為摩訶薩。」³

須菩提白佛言：「世尊！何等為畢定眾，是菩薩摩訶薩而為上首？」

佛告須菩提：「畢定眾者，性地人、八人、須陀洹、斯陀含、阿那含、阿羅漢、辟支佛、初發心菩薩，乃至阿鞞跋致地菩薩。須菩提！是為畢定眾，菩薩為上首。」

（二）菩薩以八心為畢定眾之上首

1、金剛心

（1）發大心，心堅如金剛不可壞

菩薩摩訶薩於是中生大心不可壞如金剛，當為畢定眾作上首。」

須菩提白佛言：「世尊！何等是菩薩摩訶薩生大心不可壞如金剛？」

（2）舉十心明菩薩自行化他

佛告須菩提：「菩薩摩訶薩應生如是心：

A、五心化他

我當於無量生死中大誓⁴莊嚴；我應當捨一切所有；我應當等心於一切眾生；我應當以三乘度脫一切眾生，令入無餘涅槃；我度一切眾生已，無有乃至一人入涅槃者；

B、五心自行

我應當解一切諸法不生相；我應當純以薩婆若心行六波羅蜜；我應當學智慧，（382c）了達一切法；我應當了達諸法一相智門；我應當了達乃至無量相智門。

¹（大智……五）十六字＝（大智度經論卷第四十五釋第十三品說第十四品）二十字【聖】，（摩訶般若波羅蜜品第十三摩訶薩品卷四十七）十九字【石】，釋摩訶薩品第十三＝第十三品釋摩訶薩【宋】，第十三品釋金剛品【宮】。（大正 25，382d，n.20，n.21）

²畢＝必【宋】【元】【明】【宮】【聖】【石】。（大正 25，382d，n.24）

³摩訶薩埵：必定眾中為上首故。（導師《大智度論筆記》〔D024〕p.274）

⁴〔誓〕－【宋】【元】【明】【宮】。（大正 25，382d，n.27）

C、結

須菩提！是名菩薩摩訶薩生大心不可壞如金剛。

是菩薩摩訶薩住是心中，於諸畢定眾中而為上首，是法用無所得故。

(3) 代一切眾生受苦，眾生度盡，方證菩提

須菩提！菩薩摩訶薩應生如是心：我當代十方一切眾生——若地獄眾生、若畜生眾生、若餓鬼眾生，受諸苦痛；為一一⁵眾生無量百千億劫代受地獄中苦，乃至是眾生入無餘涅槃。以是法故，為是眾生受諸勤苦；是眾生入無餘涅槃已，然後自種善根，無量百千萬億阿僧祇劫，當得阿耨多羅三藐三菩提。

須菩提！是為菩薩摩訶薩大心不可壞如金剛。住是心中，為畢定眾作上首。

2、大快心

復次，須菩提！菩薩摩訶薩生大快心，住是大快心中，為畢定眾作上首。」⁶

須菩提白佛言：「世尊！何等是菩薩摩訶薩大快心？」

佛言：「菩薩摩訶薩從初發意乃至阿耨多羅三藐三菩提，不生染心、瞋恚心、愚癡心，不生惱心，不生聲聞、辟支佛心，是名菩薩摩訶薩大快心。住是心中，為畢定眾作上首，亦不念有是心。

3、不動心

復次，須菩提！菩薩摩訶薩應生不動心！」

須菩提白佛言：「云何名不動心？」

佛言：「常念一切種智心，亦不念有是心，是名菩薩摩訶薩不動心。

4、利益安樂心

復次，須菩提！菩薩摩訶薩於一切眾生中，應生利益安樂心。

云何名利益安樂心？

救濟（383a）一切眾生，不捨一切眾生；是事亦不念有是心，是名菩薩摩訶薩於一切眾生中生利益安樂心。如是，須菩提！是菩薩摩訶薩行般若波羅蜜，於畢定眾中最為上首！

5、欲法、喜法、樂法心

復次，須菩提！菩薩摩訶薩應當行欲法、喜法、樂法心。

何等是法？所謂不破諸法實相，是名為法。

何等名欲法、喜法？信法、忍法、受法，是名欲法、喜法。

何等名樂法？常修行是法，是名樂法。

如是，須菩提！菩薩摩訶薩行般若波羅蜜，於畢定眾中能為上首，是法用無所得故。⁷

⁵ 一=切【宋】【宮】。（大正 25，382d，n.31）

⁶ 《大般若波羅蜜多經》卷 411〈11 譬喻品〉：「復次，善現！諸菩薩摩訶薩恒常發起勝心大心，由此心故，決定能於大有情眾當為上首。」（大正 7，60b21-22）

⁷ 《大般若波羅蜜多經》卷 411〈11 譬喻品〉：「復次，善現！諸菩薩摩訶薩修行般若波羅蜜多，

6、住十八空心

復次，須菩提！菩薩摩訶薩行般若波羅蜜時，住內空乃至無法有法空，能為畢定眾作上首，是法用無所得故。

7、住四念處乃至十八不共法心

復次，須菩提！菩薩摩訶薩行般若波羅蜜時，住四念處中乃至住十八不共法中，能為畢定眾作上首，是法用無所得故。

8、住諸三昧心

復次，須菩提！菩薩摩訶薩行般若波羅蜜時，住如金剛三昧⁸乃至離著虛空不染三昧⁹中住，於畢定眾作上首，是法用無所得故。

(三) 結

如是，須菩提！菩薩摩訶薩住是諸法中，能為畢定眾作上首。以是因緣故，名為摩訶薩。

【論】釋曰：

(貳) 明「摩訶薩」義

一、佛以「畢定眾中之上首」為摩訶薩

(一) 菩薩為畢定眾之上首

須菩提已從佛聞菩薩義，¹⁰今問摩訶薩義。

1、釋「摩訶薩」

(1) 諸眾生中最大，以大心知一切法、欲度一切眾生

「摩訶」者，秦言大；「薩埵」，秦言心，或言眾生。
是眾生於世間諸眾生中第一最上，故名為「大」。

常勤精進愛法、樂法、欣法、慧法，由此因緣，決定能於大有情眾當為上首。』具壽善現白言：『世尊！何等為法？云何菩薩摩訶薩修行般若波羅蜜多時，常於此法愛樂欣喜？』佛告善現：『所言法者，謂色非色皆無自性，都不可得、不可破壞、不可分別，是名為法。言愛法者，謂於此法起欲希求；言樂法者，謂於此法稱讚功德；言欣法者，謂於此法歡喜信受；言慧法者，謂於此法慕多修習親近愛重。善現！若菩薩摩訶薩修行般若波羅蜜多時，以無所得而為方便，常能如是愛法、樂法、欣法、慧法而不憍舉，決定能於大有情眾當為上首。』(大正 7，60c17-61a1)

⁸ (1) 如金剛三昧又名為金剛喻定，為菩薩的最後心，下一心即成佛。參見《摩訶般若波羅蜜經》卷 2〈4 往生品〉：「佛告舍利弗：『有菩薩摩訶薩求佛道，心次第入如金剛三昧，得一切種智，爾時成就十力、四無所畏、四無闕智、十八不共法、大慈大悲。』」(大正 8，228a17-20)

(2) 如金剛三昧為百八三昧中之第 48 個三昧，參見《摩訶般若波羅蜜經》卷 5〈18 問乘品〉：「云何名如金剛三昧？住是三昧，能貫達諸法亦不見達，是名如金剛三昧。」(大正 8，252a29-b2)

⁹ 離著虛空不染三昧為百八三昧中之第 108 個三昧。關於百八三昧，參見《摩訶般若波羅蜜經》卷 5〈18 問乘品〉(大正 8，251a8-253b16)，《大智度論》卷 47 (396b26-402c10)。

¹⁰ 參見《正觀》第 6 期：參見《摩訶般若波羅蜜經》卷 4〈12 句義品〉(大正 8，241c11-243b8)，《放光般若經》卷 3〈14 了本品〉(大正 8，18b14-19a24)，《光讚般若經》卷 5〈11 摩訶薩品〉(大正 8，178a16-180b20) 對菩薩語義之解說。

B、在結使中，發大悲心度生，我當作佛（導師《大智度論筆記》 B010〕 p125）

有人言：諸凡夫人雖住諸結使，聞佛功德，發大悲心，憐愍眾生，我當作佛。此心雖在煩惱中，心尊貴故，天人所敬。

如轉輪聖王太子初受胎時，勝於諸子，諸天鬼神皆共尊貴；菩薩心亦如是，雖在結使中，勝諸天、神通聖人。

(9) 阿鞞跋致地菩薩

復次，菩薩初發心乃至未得阿耨多羅三藐三菩提，有授記、入法位、得無生法忍者，名「阿鞞跋致」。¹⁵

阿鞞跋致相，後當廣說。¹⁶

如是等大眾，當作上首，故名摩訶薩。

(二) 菩薩以八心爲畢定眾之上首

1、金剛心

(1) 發大心，受一切苦，心堅如金剛不動

是菩薩欲爲一切聖人主故，發大心，受一切苦，心堅如金剛不動故。

「金剛心」者，一切結使煩惱所不能動；譬如金剛山，不爲風所傾搖。諸惡眾生、魔人來，不隨意行，不信受其語；瞋罵謗毀，打擊閉繫，斫刺¹⁷割截，心不變異。有來乞（383c）索頭、目、髓、腦、手足、皮肉，盡能與之；求者意猶無厭足，更瞋恚罵詈¹⁸，爾時心忍不動。譬如牢固金剛山，人來斫¹⁹鑿²⁰毀壞、諸蟲來齧²¹，無所虧損——是名金剛心。

(2) 舉十心明菩薩自行化他

復次，佛自說金剛心相，所謂菩薩應作是念：

我不應一月、一歲、一世、二世、乃至千萬劫世大誓莊嚴，我應無量無數無邊世生死中，利益度脫一切眾生。

二者、我應捨一切內、外所有貴重之物。

三者、一切眾生中等心無憎愛。

四者、我當以三乘如應度脫一切眾生。

五者、度如是眾生已，實無所度，而無其功，此中心亦不悔、不沒。

六者、我應知一切法不生不滅、不來不去、不垢不淨等諸相。

七者，我應當以清淨無雜心行六波羅蜜，迴向薩婆若。

八者、我應當善知一切世間所作之事及出世間所應知事，皆悉通達了知。

¹⁵ 阿鞞跋致：得無生忍。（導師《大智度論筆記》〔E004〕 p.292）。

¹⁶ 參見《大智度論》卷 73（大正 25，571b1-572c21）。

¹⁷ 斫（ㄉㄨㄛˇ）：斫刺，砍擊刺殺。（《漢語大詞典（六）》，p.1057）

¹⁸ 詈（ㄌㄧˋ）：罵，責備。（《漢語大詞典（十一）》，p.103）

¹⁹ 斫（ㄉㄨㄛˇ）：1、砍削，2、刺。（《漢語大詞典（六）》，p.1101）

²⁰ 鑿（ㄓㄠˋ）：1、穿孔，打孔。2、斫，傷害。（《漢語大詞典（十一）》，p.1438）

²¹ 齧（ㄓㄨˋ）：1、咬，啃。2、侵蝕。（《漢語大詞典（十二）》，p.1453）

九者、我應當解了諸法一相智門，所謂一切諸法畢竟空；觀一切諸法如無餘涅槃相，離諸憶想分別。

十者、我應當知諸法二相、三相乃至無量相門，通達明了。

二相者，一切法有二種：若有、若無，若生、若滅，若作、若不作，若色、若無色等。

三門者：若一、若二、若多——從三以上，皆名爲多；若有、若無、若非有非無；若上、若中、若下；若過去、若未來、若現在；三界；三法；善、不善、無記等三門。

四門、五門，如是等無量法門，皆通達無礙。

是中心不悔、不怯、不疑，信受，通達無礙。常行不息，滅諸煩惱及其果報，及諸障礙之事皆令敗壞，如金剛寶能摧破諸山。

住是金剛心中，當於大眾而作上首，以不可得空（384a）故。

「不可得空」者，若菩薩生如是大心如金剛而生憍慢者，罪過凡夫。以是故說「用無所得」，諸法無定相，如幻如化。

(3) 代一切眾生受苦，眾生度盡，方證菩提

復次，心如金剛者，墮三惡道所有眾生，我當代受勤苦；爲一一眾生故，代受地獄苦，乃至是眾生從三惡道出，集諸善本，至無餘涅槃已，復救一切眾生。如是展轉一切眾生盡度已，後當自爲集諸功德，無量阿僧祇劫，乃當作佛。是中心不悔、不縮。

能如是代眾生受勤苦，自作諸功德，久住生死，心不悔、不沒，如金剛地能持三千大千世界令不動搖。是心堅牢故²²，名爲「如金剛」。

2、大快心

「大快心」者，雖有牢固心，未是大快；如馬雖有大力，而未大快。

(1) 不生染心

於眾生中得二種等心故，不生欲染心；若有偏愛，則爲是賊，破我等心。

(2) 不生瞋恚心

爲佛道之本，常行慈悲心故，無有瞋心。

(3) 不生愚癡心

常觀諸法因緣和合生，無有自性故，則無癡心。

(4) 不生惱心

愛念眾生過於赤子故，無有惱心。

(5) 不生二乘心

不捨眾生，貴佛道故，不生聲聞、辟支佛心。

3、不動心

²² 故=固【石】。(大正 25, 384d, n.6)

問曰：若心牢固如金剛，即是不動，今何以更說「不動心」？

答曰：或時雖復牢固，心猶有增減；如樹雖牢固，猶可動搖。

動有二種：一者、外因緣動，如先說。²³

二者、內因緣動——諸邪見、疑等。

若常憶念一切智慧佛道，我當得是果報，故心不動。

4、利益安樂心

復次，菩薩應種種因緣利益眾生——飲食乃至佛樂以利眾生；常不捨眾生，欲令離苦——是名「安樂心」。亦不念有是心。

5、欲法、喜法、樂法心

復次，菩薩樂法，名爲上首。「法」者，不破壞諸法相。「不破壞諸法相」者，無法可（384b）著、無法可受故，所謂「不可得」。

是不可得空，即是涅槃，常信、受、忍，是名爲「欲法」、「喜法」。

常行三解脫門，名爲「樂法」。

6、住十八空心

復次，菩薩住是十八空中，不隨十八意行²⁴故，不起罪業。

7、住四念處乃至十八不共法

住四念處乃至十八不共法，滅諸煩惱、集諸善法故，能爲上首。

8、住金剛三昧等心

復次，菩薩入金剛三昧等心，受快樂，厭於世樂，增長善根、智慧、方便故，於大聖眾而爲上首。

(三) 結

若能爲大者作上首，何況小者！是故名爲「摩訶薩」。

²³ 參見《正觀》第 6 期，p.122：《大智度論》卷 8（大正 25，117a5-b10）。

²⁴ 《中阿含經》卷 42（162 經）《分別六界經》：「十八意行當知內者，此何因說？比丘者，眼見色已，分別色喜住、分別色憂住、分別色捨住，如是耳、鼻、舌、身，意知法已，分別法喜住、分別法憂住、分別法捨住，是謂分別六喜、分別六憂、分別六捨，總說十八意行。十八意行當知內者，因此故說。」（大正 1，692c10-16）

另參見《雜阿含經》卷 13（336-338 經）（大正 2，92c27-93a14），《集異門足論》卷 15（大正 26，429c26-430a20）。

〈釋斷見品第十四〉²⁵
(大正 25, 384b10-385c3)

【經】

一、佛以「畢定眾中之上首」為摩訶薩 (見卷 45 〈13 摩訶薩品〉)

二、舍利弗以「有方便斷諸見故而說法」為摩訶薩

(一) 舍利弗欲說摩訶薩義

爾時，慧命舍利弗白佛言：「世尊！我亦欲說所以為摩訶薩！」

佛告舍利弗：「便說！」

(二) 舍利弗陳所悟

1、斷眾生見

舍利弗言：「我見、眾生見、壽見、命見、生見、養育見、眾數見、人見、作見、使作見、起見、使起見、受見、使受見、知者見、見者見；²⁶

2、斷邪見

斷見、常見，有見、無見；

3、斷法見

陰見、入見、界見，諦見、因緣見，四念處見乃至十八不共法見，佛道見，成就眾生見、淨佛世界見，佛見，轉法輪見。

為斷如是諸見故而為說法，是名摩訶薩。」

(三) 辨有無方便之得失

須菩提語舍利弗言：「何因緣故色見是妄見？何因緣故受、想、行、識乃至轉法輪見是名妄見？」

舍利弗語須菩提：「菩薩摩訶薩行般若波羅蜜時，無方便故，於色生見，用有所得故；於受、想、行、識乃至轉法輪生見，用有所得故。

是中菩薩摩訶薩行般若波羅蜜，以方便力斷諸見故而為說法，用無所得故。」²⁷

【論】

二、舍利弗以「有方便斷諸見故而說法」為摩訶薩

(一) 明舍利弗欲說摩訶薩義

²⁵ (大智……四) 十一字 = (大智度論斷見品第十四) 十字【宋】，(釋斷見品第十四經作斷諸見品) 十三字【明】，(大智度論第十四品釋樂說品) 十二字【宮】，(摩訶般若波羅蜜斷見品第十四) 十三字【石】，〔大智……四〕十一字 - 【聖】。(大正 25, 384d, n.12)

²⁶ (1) 參見《大般若波羅蜜多經》卷 411 〈12 斷諸見品〉：「舍利子言：『世尊！以諸菩薩方便善巧，能為有情宣說法要，令斷我見、有情見、命者見、生者見、養者見、士夫見、補特伽羅見、意生見、孺童見、作者見、受者見、知者見、見者見，由此義故名摩訶薩。』」(大正 7, 61a15-19)

(2) 參見《大智度論》卷 35 (大正 25, 319b-c)。

²⁷ 參見《大般若波羅蜜多經》卷 411 〈12 斷諸見品〉：「若菩薩摩訶薩修行般若波羅蜜多時，有方便善巧者，能為有情以無所得而為方便，宣說永斷諸見法要，是菩薩摩訶薩決定不起蘊等諸見。」(大正 7, 61b13-16)

1、釋疑：何以舍利弗次佛而說

問曰：佛將五百大阿羅漢至阿那婆達多龍王池，受遠離樂，欲說自身及弟子本業因緣，而舍利弗不在，佛令目連命之。時，目連以神通力到祇洹；時，舍利弗（384c）縫衣，語目連言：「小住²⁸！待縫衣訖當去。」

目連催促疾去；時，目連以手摩衣，衣即成竟。

舍利弗見目連貴其神通，即以腰帶擲地，語言：「汝舉此帶去。」

目連以兩手舉此帶，不能離地；即入諸深定舉之，地為大動，帶猶著地。

時，憍陳如問佛：「以何因緣故地大震動？」

佛言：「目連入甚深禪定，作大神力，欲舉舍利弗帶而不能舉。」

佛告諸比丘：「舍利弗所入出禪定，目連乃至不識其名；佛所入禪定，舍利弗乃至不識其名。」²⁹

如舍利弗智慧與佛懸殊，何以言「我亦樂說」？

答曰：

(1) 舍利弗逐佛轉法輪，為廣益眾生故

舍利弗非欲於大眾中顯其智慧、高心故說；舍利弗逐佛轉法輪人，廣益眾生。是摩訶薩義所益甚廣，是故佛說已，舍利弗次說。

(2) 舍利弗宿世因緣多發菩薩心，多人信樂故

復次，多人信樂舍利弗語。所以者何？以宿世因緣故，多發菩薩心。

2、明佛許舍利弗說摩訶薩之原因

佛以大慈悲心故，吾我心及習根本已拔，又法愛已斷故，如是種種因緣，故聽。

(一) 舍利弗陳所悟

舍利弗言：「我見及知者、見者、佛見、菩薩見——諸眾生見等，及有無、斷常等邪見，五眾乃至諸佛法轉法輪等諸法見；是菩薩能斷是三種見³⁰故，當於大眾中說法。」是三種見，無始世界來，習著入於骨髓。

(二) 辨有無方便之得失——有方便：離相斷見；無方便：取相生見

須菩提作是念：「佛說五眾等乃至諸佛法是菩薩行，何以為斷諸見故說法？」作是念已，問舍利弗。

舍利弗答：「無方便菩薩欲行般若波羅蜜，觀色求定相，取色一切相，生色見。

與此相違，名為有方便；是菩薩雖觀色，不生妄見，而能斷諸見。」³¹

²⁸ 小住：稍停。（《漢語大詞典（二）》，p.1602）

²⁹ (1) 參見《增壹阿含經》卷 29〈六重品〉（大正 2，708c28-709b28）。

(2) 佛至阿耨達池，目連不能起舍利弗衣帶。（導師《大智度論筆記》〔H022〕p.415）

³⁰ 我見

三種見┆邪見

┆法見（導師《大智度論筆記》〔B010〕p.125）

³¹ 無方便觀——皆是法見

色等五眾乃至諸佛法┆有方便觀——是菩薩行能斷邪見

（導師《大智度論筆記》〔B010〕p.125）

【經】

三、須菩提以「三心不念不著」為摩訶薩

(一) 於菩提心、無等等心、不共二乘心無所著

爾時，須菩提白佛言：「世尊！我亦欲說所（385a）以為摩訶薩！」

佛言：「便說！」

須菩提言：「世尊！是阿耨多羅三藐三菩提心、無等等心、不共聲聞辟支佛心。何以故？是一切智心無漏不繫故，是一切智心無漏不繫中亦不著。以是因緣故，名摩訶薩。」³²

舍利弗語須菩提：「何等為菩薩摩訶薩無等等心、不共聲聞辟支佛心？」

須菩提言：「菩薩摩訶薩從初發意已來，不見法有生有滅³³、有增有減、有垢有淨。舍利弗！若法無生無滅乃至無垢無淨，是中無聲聞心、無辟支佛心、無阿耨多羅三藐三菩提心、無佛心。舍利弗！是名菩薩摩訶薩無等等心、不共聲聞辟支佛心。」³⁴

(二) 非但一切智心無漏不繫不著，凡夫心等及五眾等法亦無漏不繫不著，性空故

1、五眾乃至十八不共法等亦不著

舍利弗語須菩提：「如須菩提說：『一切智心無漏不繫心中不著。』須菩提！色亦不著，受、想、行、識亦不著，四念處亦不著，乃至十八不共法亦不著；何以故但說是心不著？」

須菩提言：「如是！如是！舍利弗！色亦不著，乃至十八不共法亦不著。」³⁵

2、凡夫心、二乘心、諸佛心及五眾乃至十八不共法亦無漏不繫，性空故

舍利弗語須菩提：「凡夫人心亦無漏不繫，性空故；諸聲聞、辟支佛心、諸佛心亦無漏不繫，性空故。」

須菩提言：「如是！舍利弗！」

舍利弗言：「須菩提！若色亦無漏不繫，性空故；受、想、行、識無漏不繫，性空故；乃至意觸³⁶因緣生受無漏不繫，性空故。」

³² 《大般若波羅蜜多經》卷 411〈12 斷諸見品〉：「善現白言：『世尊！以諸菩薩為欲證得一切智智，發菩提心、無等等心、不共聲聞獨覺等心，於如是心亦不取著，由此義故名摩訶薩。何以故？世尊！以一切智智心是真無漏不墮三界，求一切智智心亦是無漏不墮三界，於如是心不應取著，是故菩薩名摩訶薩。』」（大正 7，61b19-25）

³³ 發心即觀八不。（導師《大智度論筆記》〔E004〕p.293）

³⁴ 《大般若波羅蜜多經》卷 411〈12 斷諸見品〉：「時，舍利子問善現言：『云何菩薩摩訶薩無等等心、不共聲聞獨覺等心？』善現答言：『諸菩薩摩訶薩從初發心，不見少法有生有滅、有減有增、有染有淨。舍利子！若不見少法有生有滅、有減有增、有染有淨，亦不見有聲聞心、獨覺心、菩薩心、如來心。舍利子！是名菩薩摩訶薩無等等心、不共聲聞獨覺等心，諸菩薩摩訶薩於如是心亦不取著。』」（大正 7，61b25-c3）

³⁵ 《大般若波羅蜜多經》卷 411〈12 斷諸見品〉：「時，舍利子問善現言：『若菩薩摩訶薩於如是心不應取著，則於一切聲聞、獨覺、異生等心亦不應取著，及於色、受、想、行、識心乃至十八不共法心亦不應取著。何以故？如是諸心無心性故。』善現答言：『如是！如是！誠如所說。』」（大正 7，61c3-8）

³⁶ 觸=識【宋】【元】【明】【宮】【聖】。（大正 25，385d，n.4）

須菩提言：「爾！」

舍利弗言：「四念處亦無漏不繫，性空故；乃至十八不共法亦無漏不繫，性空故。」
須菩提言：「爾！如舍利弗所言：『凡夫人心亦無漏不繫，性空故，乃至十八不共法亦無漏不繫，性空故。』」

3、諸法空，心無故，不著心；五眾等法無故，不著五眾等法

舍利弗語須菩提：「如須菩提所說：『空，無心故，不著是心。』」

須菩提！色無故，不著色；受、想、行、識，乃至意觸因緣生受（385b）無故，不著受；四念處無故，不著四念處；乃至十八不共法無故，不著十八不共法。」

須菩提言：「如是！舍利弗！色無故，色中不著；乃至十八不共法無故，十八不共法中不著。³⁷

（三）結：三心不念不著，以無所得故，是名摩訶薩

如是，舍利弗！菩薩摩訶薩行般若波羅蜜時，以阿耨多羅三藐三菩提心、無等等心、不共聲聞辟支佛心；不念有是心，亦不著是心，以一切法無所得故，以是故名摩訶薩。」

【論】釋曰：

三、須菩提以「三心不念不著」為摩訶薩

（一）於菩提心、無等等心、不共二乘心無所著，心畢竟空，諸相畢竟清淨故

須菩提說摩訶薩無等等心，於是心亦不著。

「不著」者，是菩薩從初發心已來，不見有法定相——若生若滅、若增若減、若垢若淨。是心畢竟空，是中無有心相非心相，諸相畢竟清淨故。以是故，無聲聞心、辟支佛心、菩薩心、佛心。

須菩提稱貴菩薩，如是心亦美，菩薩不著是心亦為尊貴。

（二）非但一切智心無漏不繫不著，凡夫心等及五眾等法亦無漏不繫不著，性空故

1、凡夫心、二乘心、諸佛心亦無漏不繫不著，性空故

舍利弗欲難須菩提，作是言：非但一切智心無漏不繫，菩薩不應自高。所以者何？凡夫人心亦無漏不繫，性常空故；如聲聞、辟支佛、佛心無漏不繫，是凡夫人心實相性空。實相性空，清淨不著；如先說：陰雲翳³⁸日月，不能污日月。³⁹

又諸煩惱實相，與常性空心相無異。但住凡夫地中，是垢是淨。住聖人地中，修無相智慧故，無所分別；但憐愍眾生故，雖復有說，心無所著。⁴⁰

³⁷ 《大般若波羅蜜多經》卷 411 〈12 斷諸見品〉：「時，舍利子問善現言：『若一切心無心性故不應取著，則色、受、想、行、識亦無色、受、想、行、識性不應取著，乃至十八佛不共法亦無十八佛不共法性不應取著。』善現答言：『如是！如是！誠如所說。』」（大正 7，61c8-13）

³⁸ 翳（一、）：遮蔽，隱藏，隱沒。（《漢語大詞典（九）》，p.676）

³⁹ 參見《正觀》第 6 期，p.122：《大智度論》卷 41（大正 25，363a20-26），卷 37（334a15-21），卷 35（319a15-19）。

⁴⁰ 染（煩惱實相）淨（性空心相）不二：

┌ 但住凡夫地，分別是垢是淨。

2、五眾乃至十八不共法亦無漏不繫不著，性空故

非獨凡夫人心無漏不繫，五眾乃至十八不共法亦如是。⁴¹
須菩提然可。

3、諸法空，心無故，不著心；五眾等法無故，不著五眾等法

又舍利弗言：「是心無心，心相空故不著；色中色相無故亦不著，乃至諸佛法亦如是。」須菩提言：「如是！」
以是故，菩薩能觀諸法性常空，不可得空，畢竟清淨。

(三) 結：三心不念不著，以無所得故，是名摩訶薩

以是故說：「阿耨（385c）多羅三藐三菩提心、無等等心、不共聲聞辟支佛心，不念有是心，亦不著是心，能疾至阿耨多羅三藐三菩提。」

〈釋大莊嚴品第十五〉⁴²

┌ 住聖人地，修無相慧，無所分別……憐憫眾生，雖復有說，心無所著。
(導師《大智度論筆記》〔B011〕p.125)

⁴¹ 一切諸法無漏不繫：法性常空畢竟淨故。(導師《大智度論筆記》〔E004〕p.293)

⁴² (大智……五) 十二字 = (大智度論釋富樓那品第十五) 十二字【元】，(釋富樓那品第十五) 八字【明】，(大智度第十五品釋辯才品) 十一字【宮】，〔大智……五〕十二字—【聖】，(大

(大正 25, 385c4-389a27)

【經】

四、富樓那以三事明「摩訶薩」

(一) 總標三事⁴³

爾時，富樓那彌多羅尼子白佛言：「世尊！我亦樂說所以為摩訶薩！」

佛言：「便說！」

富樓那彌多羅尼子言：「是菩薩大莊嚴，是菩薩發趣大乘，是菩薩乘於大乘；以是故，是菩薩名摩訶薩。」⁴⁴

(二) 廣辨三事

1、依「大莊嚴」明「摩訶薩」

舍利弗語富樓那言：「云何名菩薩摩訶薩大莊嚴？」

(1) 唯菩薩得大莊嚴之名

A、心無分別，普度一切眾生故名大莊嚴

富樓那語舍利弗：「菩薩摩訶薩不分別為爾所人故住檀波羅蜜，行檀波羅蜜；為一切眾生故住檀波羅蜜，行檀波羅蜜。⁴⁵不為爾所人故，住尸羅波羅蜜，行尸羅波羅蜜、羼提波羅蜜、毘梨耶波羅蜜、禪波羅蜜、般若波羅蜜；為一切眾生故，住般若波羅蜜，行般若波羅蜜。菩薩摩訶薩大莊嚴，不齊限眾生，我當度若干人，不度餘人；不言：我令若干人至阿耨多羅三藐三菩提，餘人不至。是菩薩摩訶薩普為一切眾生故大莊嚴。」

B、自具六度，亦令他行

復作是念：『我當自具足檀波羅蜜，亦令一切眾生行檀波羅蜜；自具足尸羅波羅蜜，羼提波羅蜜，毘梨耶波羅蜜，禪波羅蜜；自具足般若波羅蜜，亦令一切眾生行般若波羅蜜。』

C、於一行中，具攝餘行

(A) 檀度攝六

復次，舍利弗！菩薩摩訶薩行檀波羅蜜時，所有布施應薩婆若心，共一切眾生，迴向阿耨多羅三藐三菩提。舍利弗！是名菩薩摩訶薩行檀波羅蜜時檀波羅蜜大莊嚴。

復次，舍利弗！菩薩摩訶薩行檀波羅蜜時，應薩婆若心布施，不向聲聞、辟支佛地。舍利弗！是名菩薩摩訶薩行檀(386a)波羅蜜時尸羅波羅蜜大莊嚴。

誓莊嚴品十四) 七字【石】〔大〕－【宋】【宮】。(大正 25, 385d, n.24&25)

⁴³ 三事：1、大莊嚴(〈15 大莊嚴品〉)，2、發趣大乘(〈15 大莊嚴品〉)，3、乘於大乘(〈16 乘品〉)。

⁴⁴ 《大般若波羅蜜多經》卷 411 〈13 六到彼岸品〉：「滿慈子言：『世尊！以諸菩薩普為利樂一切有情，被大功德鎧故、發趣大乘故、乘大乘故，名摩訶薩。』」(大正 7, 62a11-13)

⁴⁵ 《大般若波羅蜜多經》卷 411 〈13 六到彼岸品〉：「滿慈子言：『舍利子！諸菩薩摩訶薩修行布施波羅蜜多時，不為利樂少分有情修行布施波羅蜜多，普為利樂一切有情修行布施波羅蜜多。』」(大正 7, 62a15-18)

復次，舍利弗！菩薩摩訶薩行檀波羅蜜時，應薩婆若心布施，是諸施法信忍欲。是名行檀波羅蜜時羸提波羅蜜大莊嚴。⁴⁶

復次，舍利弗！菩薩摩訶薩行檀波羅蜜時，應薩婆若心布施，勤修不息。是名行檀波羅蜜時毘梨耶波羅蜜大莊嚴。

復次，舍利弗！菩薩摩訶薩行檀波羅蜜時，應薩婆若心布施，攝心不起聲聞、辟支佛意。是名行檀波羅蜜時禪波羅蜜大莊嚴。

復次，舍利弗！菩薩摩訶薩行檀波羅蜜時，應薩婆若心布施，觀諸法如幻，不得施者、不得所施物、不得受者。是名行檀波羅蜜時般若波羅蜜大莊嚴。

如是，舍利弗！若菩薩摩訶薩應薩婆若心，不取不得諸波羅蜜相，當知是菩薩摩訶薩大莊嚴。

(B) 戒度攝五

復次，舍利弗！菩薩摩訶薩行尸羅波羅蜜時，應薩婆若心布施，共一切眾生，迴向阿耨多羅三藐三菩提。是名菩薩摩訶薩行尸羅波羅蜜時檀波羅蜜。

復次，舍利弗！菩薩摩訶薩行尸羅波羅蜜時，諸法信忍欲。是名菩薩摩訶薩行尸羅波羅蜜時羸提波羅蜜。

復次，舍利弗！菩薩摩訶薩行尸羅波羅蜜時，勤修不息。是名菩薩摩訶薩行尸羅波羅蜜時毘梨耶波羅蜜。

復次，舍利弗！菩薩摩訶薩行尸羅波羅蜜時，不受聲聞、辟支佛心。是名菩薩摩訶薩行尸羅波羅蜜時禪波羅蜜。

復次，舍利弗！菩薩摩訶薩行尸羅波羅蜜時，觀一切法如幻，亦不念有是戒，用無所得故。是名菩薩摩訶薩行尸羅波羅蜜時般若波羅蜜。

如是，舍利弗！菩薩摩訶薩行尸羅(386b)波羅蜜時，攝諸波羅蜜，以是故名大莊嚴。

(C) 忍度攝五

復次，舍利弗！菩薩摩訶薩行羸提波羅蜜時，應薩婆若心布施，共一切眾生，迴向阿耨多羅三藐三菩提。是為菩薩摩訶薩行羸提波羅蜜時檀波羅蜜。

復次，舍利弗！菩薩摩訶薩行羸提波羅蜜時，不受聲聞、辟支佛心，但受薩婆若心。是名菩薩摩訶薩行羸提波羅蜜時尸羅波羅蜜。

復次，舍利弗！菩薩摩訶薩行羸提波羅蜜時，應薩婆若心，身心精進，不休不息。是名菩薩摩訶薩行羸提波羅蜜時⁴⁷毘梨耶波羅蜜。

⁴⁶ 《大般若波羅蜜多經》卷 412〈13 六到彼岸品〉：「復次，舍利子！諸菩薩摩訶薩修行布施波羅蜜多時，以一切智智相應作意而修布施波羅蜜多。持此善根，以無所得而為方便，與一切有情同共迴向一切智智，於布施時，信忍欲樂修布施法。舍利子！是為菩薩摩訶薩修行布施波羅蜜多時，所被安忍波羅蜜多大功德鎧。」(大正 7, 62c24-63a1)

⁴⁷ (1) 持=時【宋】【元】【明】【宮】【聖】【石】。(大正 25, 386d, n.8)

(2) 《摩訶般若波羅蜜經》卷 4〈15 辯才品〉：「復次，舍利弗！菩薩摩訶薩行羸提波羅蜜時，應薩婆若心，身心精進不休息，是名菩薩摩訶薩行羸提波羅蜜時毘梨耶波羅蜜。」(大正 8, 245c2-5)

(3) 《大正藏》原作「持」，依宋本等及前後文作「時」。

復次，舍利弗！菩薩摩訶薩行羸提波羅蜜時，攝心一處，雖有苦事，心不散亂。是名菩薩摩訶薩行羸提波羅蜜時禪波羅蜜。

復次，舍利弗！菩薩摩訶薩行羸提波羅蜜時，應薩婆若心，觀諸法空，無作者，無受者；若有呵罵割截者，心如幻夢。是名菩薩摩訶薩行羸提波羅蜜時般若波羅蜜。⁴⁸

(D) 勤度攝五

復次，舍利弗！菩薩摩訶薩行毘梨耶波羅蜜時，應薩婆若心布施時，不令身心懈怠。是名菩薩摩訶薩行毘梨耶波羅蜜時檀波羅蜜。

復次，舍利弗！菩薩摩訶薩行毘梨耶波羅蜜時，應薩婆若心，始終具足清淨持戒。是名菩薩摩訶薩行毘梨耶波羅蜜時尸羅波羅蜜。

復次，舍利弗！菩薩摩訶薩行毘梨耶波羅蜜時，應薩婆若心，修行忍辱。是名菩薩摩訶薩行毘梨耶波羅蜜時羸提波羅蜜。

復次，舍利弗！菩薩摩訶薩行毘梨耶波羅蜜時，應薩婆若心，攝心離欲，入諸禪定。是名菩薩摩訶薩行毘梨耶波羅蜜時禪波羅蜜。

復次，舍利弗！菩薩摩訶薩(386c)行毘梨耶波羅蜜時，應薩婆若心，不取一切諸法相，於不取相亦不著。是名菩薩摩訶薩行毘梨耶波羅蜜時般若波羅蜜。如是，舍利弗！菩薩摩訶薩行毘梨耶波羅蜜時，攝諸波羅蜜。

(E) 禪度攝五

復次，舍利弗！菩薩摩訶薩行禪波羅蜜時，應薩婆若心，定心布施，不令心亂。是名菩薩摩訶薩行禪那波羅蜜時檀波羅蜜。

復次，舍利弗！菩薩摩訶薩行禪波羅蜜時，應薩婆若心持戒，禪定力故，破戒諸法不令得入。是名菩薩摩訶薩行禪波羅蜜時尸羅波羅蜜。

復次，舍利弗！菩薩摩訶薩行禪波羅蜜時，應薩婆若心，慈悲定故，忍諸惱害。是名菩薩摩訶薩行禪波羅蜜時羸提波羅蜜。

復次，舍利弗！菩薩摩訶薩行禪波羅蜜時，應薩婆若心，於禪不味不著，常求增進，從一禪至一禪。是名菩薩摩訶薩行禪波羅蜜時毘梨耶波羅蜜。

復次，舍利弗！菩薩摩訶薩行禪波羅蜜時，應薩婆若心，於一切法無所依止，亦不隨禪生。是名菩薩摩訶薩行禪波羅蜜時般若波羅蜜。

如是，舍利弗！菩薩摩訶薩行禪波羅蜜時，攝諸波羅蜜。

(F) 慧度攝五

復次，舍利弗！菩薩摩訶薩行般若波羅蜜時，應薩婆若心，布施內外所有，無所愛惜，不見與者、受者及以財物。是名菩薩摩訶薩行般若波羅蜜時檀波羅蜜。

復次，舍利弗！菩薩摩訶薩行般若波羅蜜時，應薩婆若心，持戒、破戒二事不見故。是名菩薩摩訶薩行般若波羅蜜時尸羅波羅蜜。

⁴⁸ 印順導師《大智度論》標點本(p.1720)校勘：「蜜」下少「如是，舍利弗！菩薩摩訶薩行羸提波羅蜜時，攝諸波羅蜜」結文。

復次，舍利弗！菩薩摩訶薩行般若波羅蜜時，應薩婆若心，不見訶者、罵者，打者、殺者，亦不見(387a)用是空能忍辱。是名菩薩摩訶薩行般若波羅蜜時羶提波羅蜜。

復次，舍利弗！菩薩摩訶薩行般若波羅蜜時，應薩婆若心，觀諸法畢竟空，以大悲心故，行諸善法。是名菩薩摩訶薩行般若波羅蜜時毘梨耶波羅蜜。

復次，舍利弗！菩薩摩訶薩行般若波羅蜜時，應薩婆若心，入禪定，觀諸禪離相、空相、無相相、無作相。是名菩薩摩訶薩行般若波羅蜜時禪波羅蜜。

如是，舍利弗！菩薩摩訶薩行般若波羅蜜時，攝諸波羅蜜。

(G) 結

舍利弗！如是名為菩薩摩訶薩大莊嚴。

(2) 十方諸佛歡喜讚歎

是大莊嚴菩薩，十方諸佛歡喜，於大眾中稱名讚歎：「某世界某菩薩摩訶薩大莊嚴，成就眾生，淨佛世界！」

【論】釋曰：

四、富樓那以三事明「摩訶薩」

(一) 總標三事

1、富樓那欲說摩訶薩，佛聽許

富樓那聞上二大弟子說摩訶薩義，而佛可言：「善哉！」又富樓那，佛大眾中讚歎法師之上，復欲說摩訶薩義，白佛言：「我亦樂說。」佛即聽許。

2、舍利弗何以不問須菩提卻問富樓那

問曰：須菩提說般若波羅蜜主，舍利弗應問須菩提，今何以故乃問富樓那？

答曰：

(1) 舍利弗智慧第一，富樓那說法第一，二人等故，於佛前共論

此二人同是婆羅門，俱以母字為名；此二人佛法中俱大——舍利弗智慧中大；富樓那說法種種莊嚴，牽引眾情，說法中大。是故二人等，等故於佛前共論。

(2) 富樓那先已與舍利弗親厚，好共論議，善能相答

又富樓那先已共舍利弗論議，善能相答，如《七車譬喻經》中說，⁴⁹已共為親厚，好共論理；須菩提無是因緣。

(3) 富樓那說摩訶薩義故應問

又富樓那說摩訶薩義，是故應問，云何乃問須菩提！

3、以三事明「摩訶薩」

所說摩訶薩義者，所謂是人太莊嚴。如人遠行，重有資糧；又如破賊，備諸器仗。是菩薩亦如是，欲破魔入⁵⁰煩惱賊故，行六波羅蜜以自莊嚴。是人無量劫(387b)

⁴⁹ 參見《中阿含經》卷2(第9經)《七車經》(大正1, 429c28-431c12)。

⁵⁰ 入=人【宋】【元】【明】【宮】。(大正25, 387d, n.14)

來久住生死，集諸福德、智慧以為資糧；三種乘中為趣大乘故，發心行六波羅蜜，乘是大乘。

(二) 廣辨三事

1、依「大莊嚴」明「摩訶薩」⁵¹

(1) 唯菩薩得「大莊嚴」之名

A、普度一切眾生，心無分別

舍利弗問富樓那：「聲聞、辟支佛亦趣道，何以不名大莊嚴，而但說菩薩大莊嚴？」

富樓那答言：「聲聞、辟支佛雖行布施等六事，有量有限，自為度身，及餘眾生可度者度，是故不名大莊嚴。

菩薩所度，不分別、不齊限為若干眾生故布施乃至智慧；不作是念：『我度若干人令得三乘，不能度若干人；令若干人得阿耨多羅三藐三菩提，若干人不能度。』菩薩作是莊嚴，令一切眾生盡入大乘作佛。⁵²

B、自行六度亦令他行

菩薩行大莊嚴，自行檀波羅蜜，亦令一切眾生行檀波羅蜜；乃至般若波羅蜜亦如是。」

C、於一行中具攝餘行⁵³

問曰：云何名「大莊嚴」？

答曰：為度眾生故、為阿耨多羅三藐三菩提故，行諸善福功德者，略說是六波羅蜜。

(A) 舉檀度攝六度說

a、行檀時生檀

如富樓那次第說：若菩薩為一切智慧故，行檀波羅蜜，是福德共一切眾生。

「共」者，此布施福德，我及眾生共等，我以此迴向阿耨多羅三藐三菩提。

「迴向」者，於此福德，不求人王、天王、世間禪定樂；為眾生，乃至涅槃樂亦不求，持此果報，盡為度眾生故求佛法。

如是等相，是名「檀波羅蜜大莊嚴」。

b、行檀時生戒

是菩薩行布施時，若見諸辟支佛、阿羅漢現大神通，得漏盡，入涅槃，於中不貪不著，一心修佛道。是名「檀波羅蜜生尸羅波羅蜜」。

c、行檀時生忍

布施時，有人惡口罵詈、刀杖毀害，所不應乞者而強乞，不瞋不悔，入諸法

⁵¹ 一、為一切眾生 大願
 大莊嚴└ 二、不但自具，亦令他行.....┐
 └ 三、六度互具.....┘..... 六度（導師《大智度論筆記》 B011〕p.126）

⁵² 一切眾生皆得成佛。（導師《大智度論筆記》〔E004〕p.293）

⁵³ 六度互具行：六度互具。（導師《大智度論筆記》〔E003〕p.291）

相中，所謂畢竟空。是名「檀波羅蜜生羸提波羅蜜」。

d、行檀時生精進

行布(387c)施時，和合財物、守護施彼，身心不懈不息。是名「檀波羅蜜生毘梨耶波羅蜜」。

e、行檀時生禪

布施時，一心念佛，念諸佛法，不令聲聞、辟支佛心入；因是布施，即入禪定。是名「檀波羅蜜生禪波羅蜜」。

f、行檀時生般若

布施時，菩薩作是念：「施者、受者、財物，因緣和合生故無自性，無自性故空，如幻、如夢。眾生空故，無受者、無施者；法空故，無財物。」⁵⁴是名「檀波羅蜜生般若波羅蜜」。

若菩薩為一切智故，不取諸波羅蜜相，而能行諸波羅蜜，是名「菩薩大莊嚴」。此中一波羅蜜備⁵⁵生諸波羅蜜，此經中自分別其義。古今語異，義不了故，助分別說，開論議門。

(B) 例餘五度

餘五波羅蜜，亦應如是隨義說。

(C) 釋疑：何故檀度生六度，而餘五度但生五度

問曰：何以但檀波羅蜜中說生六波羅蜜，餘波羅蜜中但說生五？

答曰：若後五波羅蜜中各各生六，亦無咎。

六波羅蜜非一時、非一念法，無量劫中集六種功德和合名為六波羅蜜。先生小，後生中、大，有何咎？一切諸法皆初小後大。以是故，諸餘波羅蜜各各應生六。

復次，一切諸佛說法時，檀波羅蜜為初門。如《經》中說：「佛常初為眾生說布施、說持戒、說生天；說五欲味，先說世間苦惱、道德利益，後為說四諦。」⁵⁶以是故，初說檀。⁵⁷

(D) 釋疑：何故說「檀為初門」

問曰：佛何以故說檀為初門？

⁵⁴

┌ 無受者

└ 眾生空 ┌ 無施者

二空與三輪空相攝 ┌ 法 空 ─ 無財物 (導師《大智度論筆記》 B011] p.126)

⁵⁵ 備 = 徧【宋】【元】【明】【宮】， = 邊【聖】。(大正 25, 387d, n.28)

⁵⁶ (1) 參見《中阿含經》卷 11 (62 經)《頻鞞娑邏王迎佛經》(大正 1, 498a10-16)，卷 6 (28 經)《教化病經》(460b23-25)，卷 9 (38 經)《郁伽長者經》(大正 1, 479c24-26)，卷 32 (133 經)《優婆離經》(大正 1, 630c1-3) 等。

(2) 經：先說施、戒，次說四諦。(導師《大智度論筆記》[H001] p.390)

⁵⁷ 案：「復次，一切諸佛說法時……以是故，初說檀」，此段文義，似與下文「問曰：佛何以故說檀為初門」所問的內容較為對應，或許移至「如是等義，故檀波羅蜜為初」之後為宜。

答曰：攝眾生法，無過於檀；大小貴賤，乃至畜生，檀皆攝之；乃至怨家得施則為中人，中人得施則成親善。諸佛三十二相、八十隨形好，諸功德具足、所願如意，皆從布施得。如寶掌菩薩等七寶從手中出，給施眾生；亦能令眾生歡（388a）喜柔軟，可任得涅槃。⁵⁸如是等義故，檀波羅蜜為初。

(E) 釋疑：富樓那何以說一度中生諸度為大莊嚴

問曰：富樓那何以故說「一波羅蜜中生諸波羅蜜為大莊嚴」？

答曰：是波羅蜜各各別，行力勢少。譬如兵人未集，則無戰力；若大軍都集莊嚴，執持器仗，則能破敵。菩薩亦如是，六波羅蜜一時莊嚴，能破諸煩惱魔人賊，疾得阿耨多羅三藐三菩提。以是故說「一波羅蜜中具諸波羅蜜」。⁵⁹

(2) 釋諸佛喜歎

十方諸佛稱名讚歎、成就眾生、淨佛世界，如先說。⁶⁰

【經】

2、依「發趣大乘」明「摩訶薩」

慧命舍利弗問富樓那彌多羅尼子：「云何菩薩摩訶薩發趣大乘？」

(1) 約「禪波羅蜜」說發趣大乘

A、行禪起四無量心，以無所得為方便，共一切眾生迴向佛道

富樓那語舍利弗：「菩薩摩訶薩行六波羅蜜時，離諸欲，離諸惡不善法，有覺有觀，離生喜樂入初禪乃至入第四禪中，以慈廣大，無二、無量，無怨、無恨、無惱心行，遍滿一方、二三四方、四維、上下，遍一切世間。悲、喜、捨心，亦如是。

是菩薩入禪時、起時，諸禪、無量心及支，共一切眾生，迴向薩婆若。是名菩薩摩訶薩禪波羅蜜發趣大乘。⁶¹

B、行禪攝餘五度

是菩薩摩訶薩住禪、無量心，作是念：『我當得一切種智，為斷一切眾生煩惱

⁵⁸ 參見《大寶積經》卷 58〈文殊師利授記會〉：「寶掌菩薩即作是念：『今我以何神變往彼禮觀釋迦如來，復能安樂無量眾生？』作是念已，即以右手覆此三千大千世界，雨諸飲食、衣服、車乘、金、銀、琉璃、真珠、珂貝、珊瑚、璧玉，隨諸眾生心所希望，悉能充滿；樂聞法者，即令得聞；復使無量聞法眾生證得真實；亦令無數病苦眾生受勝妙樂。」（大正 11, 339c14-20）

⁵⁹ 「一、非一時一念，無量劫積集，次第生起。

六度互攝〔二解〕一、二、六波羅蜜，一時莊嚴，能破大賊。

（導師《大智度論筆記》 B011〕 p.126）

⁶⁰ 《正觀》第 6 期，p.123：

「十方諸佛稱名讚歎」：參見《大智度論》卷 30（大正 25，282c17-283c10）。

「成就眾生，淨佛世界」：參見《大智度論》卷 37（大正 25，335a23-b5）。

⁶¹ 《大般若波羅蜜多經》卷 412〈13 六到彼岸品〉：「舍利子！是菩薩摩訶薩持此靜慮、無量、無色，以無所得而為方便，與一切有情同共迴向一切智智。舍利子！是為菩薩摩訶薩普為利樂諸有情故發趣大乘。」（大正 7，66a25-29）

故，當說法。』是名菩薩摩訶薩行禪波羅蜜時檀波羅蜜。⁶²

若菩薩摩訶薩應薩婆若心，修初禪，住初禪，二、三、四禪亦如是，不受餘心——所謂聲聞、辟支佛心。是名菩薩摩訶薩行禪波羅蜜時尸羅波羅蜜。

若菩薩摩訶薩應薩婆若心入諸禪，作是念：『我為斷一切眾生煩惱故當說法，是諸心欲樂忍。』是名菩薩摩訶薩行禪波羅蜜時羼提波羅蜜。

若菩薩摩訶薩應薩婆若心入諸禪，諸善根皆迴向薩婆若，勤修不息。是(388b)名菩薩摩訶薩行禪波羅蜜時毘梨耶波羅蜜。

若菩薩摩訶薩應薩婆若心，入四禪及支，觀無常相、苦相、無我相、空相、無相相、無作相，共一切眾生，迴向薩婆若。是名菩薩摩訶薩行禪波羅蜜時般若波羅蜜。

舍利弗！是名菩薩摩訶薩發趣大乘。⁶³

C、行四無量心攝五度

復次，菩薩摩訶薩行慈心，作是念：我當安樂一切眾生；入悲心，我當救濟一切眾生；入喜心，我當度一切眾生；入捨心，我當令一切眾生得諸漏盡。是名菩薩摩訶薩行無量心時檀波羅蜜。

復次，菩薩摩訶薩，是諸禪無量心，不向聲聞辟支佛地，但迴向薩婆若。是名菩薩摩訶薩行無量心時尸羅波羅蜜。

復次，舍利弗！菩薩摩訶薩行四無量心，不貪聲聞、辟支佛地，但忍樂欲薩婆若。是名菩薩摩訶薩行無量心時羼提波羅蜜。

若菩薩摩訶薩應薩婆若心，行四無量心，但行清淨行。是名菩薩摩訶薩行無量心時毘梨耶波羅蜜。

復次，菩薩摩訶薩入禪、入無量心時，亦不隨禪、無量心生。是名菩薩摩訶薩行無量心時方便般若波羅蜜。

舍利弗！是名菩薩摩訶薩發趣大乘。

(2) 約「修三十七道品乃至十八不共法」說發趣大乘

復次，舍利弗！菩薩摩訶薩發趣大乘，一切種修四念處，乃至一切種修八聖道

⁶² 《大般若波羅蜜多經》卷 412〈13 六到彼岸品〉：「復次，舍利子！諸菩薩摩訶薩普為利樂諸有情故，先自安住如是靜慮、無量、無色，於入、住、出諸行、相、狀善分別知。得自在已復作是念：『我今當以一切智智相應作意，大悲為首，為斷一切有情諸煩惱故，說諸靜慮、無量、無色，分別開示令善了知諸定愛味、過患、出離，及入、住、出諸行、相、狀。』舍利子！是為菩薩摩訶薩依止靜慮波羅蜜多，修行布施波羅蜜多，普為利樂諸有情故發趣大乘。」（大正 7，66b1-9）

⁶³ 《大般若波羅蜜多經》卷 412〈13 六到彼岸品〉：「若菩薩摩訶薩以一切智智相應作意，大悲為首，修諸靜慮、無量、無色時，於諸靜慮、無量、無色及靜慮支，以無常、苦、無我行相及空、無相、無願行相如實觀察，不捨大悲，不墮聲聞及獨覺地。舍利子！是為菩薩摩訶薩依止靜慮波羅蜜多，修行般若波羅蜜多，普為利樂諸有情故發趣大乘。」（大正 7，66b29-c6）

分；一切種修三解脫門，乃至十八不共法。是名菩薩摩訶薩發趣大乘。⁶⁴

(3) 約「十八空慧、離二邊慧」明發趣大乘

A、十八空慧

復次，舍利弗！菩薩摩訶薩內空中智慧，用無所得故；乃至無法有法空中智慧，用無所得故。是名菩薩摩訶薩發趣大乘。

B、離二邊慧

(A) 不亂不定慧

復次，舍利弗！菩薩摩訶薩一切法中不亂不定智慧，是名菩薩摩訶薩發趣大乘。

(B) 非正非倒慧

復次，舍利弗！菩(388c)薩摩訶薩發趣大乘，非常、非無常智慧，非樂、非苦，非實、非虛，非我、非無我智慧。是名菩薩摩訶薩發趣大乘，用無所得故。

(C) 非行非不行慧

a、不行三世，亦非不知三世

復次，舍利弗！菩薩摩訶薩智，不行過去世、不行未來世、不行現在世，亦非不知三世。是名菩薩摩訶薩發趣大乘，用無所得故。

b、不行三界，亦非不知三界

復次，菩薩摩訶薩發趣大乘智，不行欲界、不行色界、不行無色界，亦非不知欲界、色界、無色界，用無所得故。是名菩薩摩訶薩發趣大乘。

c、不行世間出世間、有為無為、有漏無漏法，亦非不知

復次，菩薩摩訶薩發趣大乘智，不行世間法、不行出世間法，不行有為法、不行無為法，不行有漏法、不行無漏法；亦非不知世間法出世間法、有為無為、有漏無漏法，用無所得故。舍利弗！是名菩薩摩訶薩發趣大乘。」

【論】

2、依「發趣大乘」明「摩訶薩」⁶⁵

(1) 約「禪波羅蜜」說發趣大乘

⁶⁴ 《大般若波羅蜜多經》卷 412 〈13 六到彼岸品〉：「復次，舍利子！若菩薩摩訶薩以一切智智相應作意，大悲為首，修一切種四念住乃至八聖道支，修一切種三解脫門，乃至修一切種如來十力乃至十八不共法，以無所得而為方便，與一切有情同共迴向一切智智。舍利子！是為菩薩摩訶薩普為利樂諸有情故發趣大乘。」(大正 7，67a12-19)

⁶⁵ 發趣大乘┌ 禪具六度┐
└ 空 慧 [十八空]┐
└ 慧離二邊┐┌ 非定非亂┐┌ 非 智——空故，無定相，畢竟淨故。
└ 雙非慧┐└ 非正非倒┐└ 非不智——觀無常等入般若中故。
└ 非行不行┐└ 非 行——遮見，斷法愛，離依止故。
└ 非不行——不墮愚癡，異於凡夫故。

(導師《大智度論筆記》 B011] p.127)

A、釋疑：云何以禪波羅蜜爲首，而說行禪能生四無量心、攝五度

問曰：六波羅蜜中，若逆說，則應說般若波羅蜜，次說禪；若順，應先說檀波羅蜜；今何以乃說禪波羅蜜爲首？

答曰：發大莊嚴，無有眾生能破壞者。若菩薩無禪定，心未離欲，雖行餘波羅蜜則易壞；行禪波羅蜜，能入慈無量，是時無能壞。如說：行慈三昧者，刀不能傷，水火不害。

亦有神通力種種變化，能發大莊嚴。如佛說，鳥無兩翼，不能飛翔；菩薩無神通力，不能發大莊嚴。

入禪波羅蜜中，能生慈無量、五神通故，物無能傷。以是故，今此說禪波羅蜜爲首。

B、釋疑：四禪中可行六度，今何以說四無量心中行六度

問曰：四禪中有種種功德，皆可行六波羅蜜；今何以但說四無量心中行六波羅蜜？

答曰：四無量心，取眾生相、緣眾生；菩薩常爲眾生故行道。

是四無量等中有慈悲心，能利益眾生；餘八背捨、(389a)九次第等無如是利益。

※ 因論生論：住五神通能廣利益眾生，此中何故不說

問曰：菩薩住五神通，能廣利益眾生，何以故不說？

答曰：大悲是菩薩根本，又五神通先已說⁶⁶，後當說四無量心，未說故今說。

C、正說：四無量心與六度共合而行，名爲發趣大乘

若菩薩但行四無量心，不名發趣大乘；六波羅蜜和合故，名爲「發趣大乘」。四無量心生六波羅蜜，富樓那此中自說因緣。

(2) 約「修三十七道品乃至十八不共法」說發趣大乘

問曰：云何一切種修四念處乃至十八不共法？

答曰：有二種：信行性，法行性。⁶⁷

信行性觀無常、苦，或但觀無常，或但觀苦；

法行性人觀空、無我，或但觀空，或但觀無我。

菩薩度眾生故，一切門皆修皆學。

(3) 約「十八空慧、離二邊慧」明發趣大乘

A、十八空慧

復次，發大乘者，以十八空破十八種法，亦捨是十八種空智慧。

B、離二邊慧

⁶⁶ 參見《摩訶般若波羅蜜經》卷 2〈4 往生品〉(大正 8, 228b1-229a1);《大智度論》卷 5 (大正 25, 97c21-98b10), 卷 37 (332a12-b26), 卷 40 (352b2-19)。

⁶⁷ 信行性——多觀無常苦
二種性┆法行性——多觀空無我 (導師《大智度論筆記》 B011] p.127)

(A) 不亂不定慧

復次，若菩薩觀諸法常定，亦不取定相，是名「不定不亂智慧」。

(B) 非正非倒慧

復次，畏墮常、樂顛倒故，不觀諸法常、樂等；畏墮斷滅故，不觀無常等。

(C) 非行非不行慧

a、不行三世、三界，亦非不知三世、三界

復次，若菩薩三世、三界中智慧，不觀、不行、不取相，知皆虛妄，而不墮無明。

b、不行世間出世間、有為無為、有漏無漏法，亦非不知

復次，世間、出世間中，亦非智、非不智。

非智者，空故，無空⁶⁸相故，畢竟清淨故。⁶⁹

非不智者，觀無常、苦、空等入般若波羅蜜中⁷⁰故。

非不行智，不行者，遮見、斷法愛，離依止故。

無非智者，是中無愚癡，異於凡夫故。又行者持戒、修禪定、習諸觀，云何言「非智」？如《佛利眾生經》中說：「行者捨諸法，亦不依止慧，亦無所分別，是為決定智！」⁷¹

⁶⁸ 空＝定【宋】【元】【明】【宮】【聖】【石】。(大正 25, 389d, n.7)

⁶⁹ 非智：是遣執言，非謂無智。(導師《大智度論筆記》[E004] p.293)

⁷⁰ 中＝空【宋】【元】【明】【宮】。(大正 25, 389d, n.8)

⁷¹ 與《佛利眾生經》對應的經典有漢譯《佛說義足經》(大正 4, 174b-189c) 及南傳《經集》〈義品〉。其中《經集》〈義品〉856 經與《大智度論》的引文有部分類似，但完全一致的文句待考。